

光緒江西通志

江西通志卷五十二

山川略一

山五

吉安府

青原山在廬陵縣東南十五里山勢鬱盤外望如蔽旁有徑縈礪而入度待月橋石壁峭倚其中曠衍淨居寺在焉山半蹊稍平有卓錫泉在七祖行思塔左虎跑泉在右其後爲雷震泉三泉之外又有名龍井碧乳者獅象二山左右拱立駱駝峯鷓鴣嶺巔旣絡繹蓋天然勝區也

國朝施閏章游青原山記游之日以霽人以暇不暇且雨則廢游余游青原不期而勇遇雨而不廢由泰和返舟至永和間舟人言此去青原五里時雨甚命錫棹往不移時前峯數十作翡翠色雲覆其半皎若約窈水漲灤山山下微聞磬聲至則淨居寺相傳七祖卓錫地登塔四望眾山如環肩鑰甚固塔之側龕笑峯禪師骨其陳蹟則顏魯公大書祖關二字黃山谷石刻詩其游覽則五笑巖翠二亭凝翠倚寺左面東崖副

憲趙君韞退新之自爲記羣山皆土崖石獨礪礪壁立
泉數百道飛出山谷磯之以隄萬籟交作人語亭中絕
不聞聲余偕高子阮懷坐久不能去因相顧笑曰向苦
雨甚然非雨飛泉之勝其能至此極乎寺外荒祠別館
數十間問之皆先儒講堂也蓋自王文成官吉州數過
青原講學鄒東廓諸公翁然景從吉州九邑各有館播
紳百餘人又總萃於一堂歲會以春秋留三日從游者
甚眾至假榻滿僧舍絃誦洋洋振林谷而西江之學名
天下今三十年來講堂茂草微寺僧則人迹既絕其不
爲鹿堂虎亢者幾希嗚呼吾道之視釋氏何如哉抑上
無作之者將有待而後興與作青原山記 宋王庭珪
游青原山呈王元豹舍人周秀實監丞詩異時黃魯直
嘗賦青原詩至今青原山名與星斗垂自從有字山就
能磨滅之昨日從大旆上讀前人碑欲學下一語自覺
落筆遲我等如湛輩後世誰復知紫微千載人殆中同
一時兩公俱大手妙語仍岨奇得句未肯吐神物慳護
持光豔出月脅常留照巖扉 文天祥游青原詩鍾魚
閑日月竹樹老風煙一徑雞聲滿四山天影圓無言都
是趣有想便成緣夢破啼蛟雨開元六百年空庭橫
蟠棘斷碣偃龍蛇活火參禪筍眞泉透佛茶晚鐘何處
雨春水滿城花夜影燈前客江西北祖家元劉詵游
青原詩百疊清松夾路苔白石波隱隱轉晴雷霧前萬瓦
行空動鐘靜山門照日開石似祖師無語答山如處士
待人來古今湛輩消磨盡小倚危欄首獨回 明羅欽

順詩朝訪名山露未晞翠嵐浮動欲侵衣坡頭路轉松
 陰合隴上人閒豆莢肥泉響遙聞心已淨寺門初到夢
 先飛從來賸有煙霞癖爭奈行藏與願違賀約似諸
 友游青原詩春雨霏霏掩翠微雲間犬吠識招提地鍾
 吳楚千年秀天設虛空一段奇谿鳥無心時對酒松風
 有韻自成詩此中更得無窮趣只恐尋常未易知鄒
 元標青原偶感少年曾此問迷津在蕘詔光及此晨人
 藥不教頑石變春風難遣鬢毛新還憑麋鹿山中性來
 結煙霞物外身邱壑盟心吾敢負翠屏千古自嶙峋
 朱維京青原山詩小徑通初地城南五里慳一泓清似
 玉亂石錯爲山待月人何在栖霞客未還惟餘存夢闕
 來往白雲閒王德新與汪靜峯使君游青原詩翠落
 秋陰山更幽使君匹馬此時游鐵橋抱月迎仙仗珠樹
 飛花結羽樓巖靜蛟啼驚露冷潭深龍臥帶煙浮未妨
 把酒狂歌發塵世風流易白頭國朝李元鼎初夏雨
 後游青原詩茅庵成午憩一飯結僧緣開徑人何在磨
 崖句可傳笥燒雲外王荅煮雨前煙歸路非來路溪流
 合一川施閨章青原山寺依韻衝泥勤杖履隨意得
 芳菲深院藏花靜高僧乞食稀谷雲寒不動沙燕雨還
 飛欲學逃禪去風塵願恐違又重九後九日同諸公
 入青原山亭詩重陽節後菊花開古塔憑高秋色來僧
 自曹溪曾卓錫客同彭澤一街杯鳴泉漱瀨侵衣溼絕
 壁流雲拂面回白鶴歸巢林影亂悠然欲臥碧山隈
 張貞生重九約諸同人入青原詩知音人許到絲竹半

江西南昌府志卷之五 二山五
泉鳴花木塵中老溪山物外清訪僧須諱
酒登塔最宜晴勘破千金盞何嘗費力擎

東山在廬陵縣南龍興坡上負隍面市稱東山者以舊
府城在山之西也

相山在廬陵縣西一名西原山亦名城隍岡平衍幽曠
唐杜審言司戶吉州結相山詩社明陳嘉謨輩置西原
會館卽此

仁山在廬陵縣西二里城隍岡側梁書天監五年高昌
之仁山獲銅劍二卽此

神岡山在廬陵縣南十里舊名翠峯高三百丈迴環五

里上有惠祐廟祀陳太守劉竺因其顯赫故名

明陳嘉謨香林

道中望翠峯詩匡廬爭秀色千古一陶公不知此山秀
佳興與誰同酒林黃菊晚世界白蓮空日暮自歸去不

是爲
聞鐘

瑞華山在廬陵縣北五里俯瞰大江上有瑞華觀明王守仁

詩簿領終年未出郊此行聊解俗人嘲憂時有志懷先達作縣無能愧舊交松古尚存經雪幹竹高還長拂雲梢溪游處處堪行樂信是浮名未易拋

真君山在廬陵縣北接瑞華山宋時有蛟為患祀許旌

陽得免遂以名山

螺子山在廬陵縣北十里與神岡山對峙南臨贛江宛

委如螺無林木昔有漁人遇風雨見神螺光彩五色取

而懷之至山下涉水螺失所在歐陽守道記云掘地不

盈尺輒得金螺無數大僅如珠而形奪真

天華山在廬陵縣西六里許舊名鳳山相傳嚴陽尊者

說法西峯感天雨華乃易今名上有天華觀前一小山

狀如覆盎明伍柳天華賦維吉州南浦堂與西昌門戶控三江之上流居五嶺之當路北轅崢嶸於

虎頭東下襟帶夫龍沙山周互乎千里鍾神秀於天華
自密雲之四靈謝擢天之萬壑至是而婉蜒岡盡御
夫磅礪亢吳楚兮列要津橫章貢兮近負郭高固讓夫
九嶷祀弗共乎五嶽雖無金明之草亦鮮坎離之藥不
見商山之芝焉產於閩之玉少珍禽與奇獸闕怪石與
古木此皆未之前聞似亦耽乎寂寞然而緣常臨水翠
半遮坂羊腸夷大行之險金篋恥岱宗之禪不貪高以
攀南斗肯凌雲而嶺北巖遠矣難考秦碑遐哉自標禹
甸迺有藥珠之宮仙喜樓居竟如仙令之鳧客歸園苑
王郭曾駕鶴以嬉遊自呂亦乘雲而寄嘯指縹緲以爲
家躡虛靈而立要若乃迎薰門外寶成樓邊白屋出林
綠野含煙簷牙交啄於閭閻酒旗旖旎乎井廛踞層巒
而俯矚倚長松而盤桓爾其翠螺朝爽青原夕照思御
暑以乘寒悟羣真之眾妙霞綯錦而朝日升林抹嵐而
暮山紫雖天末之氣候不常豈山間之朝暮若此爾其
青雀杳冥黃龍往來帆東指夫巴邱橈欲上乎虔臺櫻
名利之蠅營席捲風而不收或惡之先生望廬陵之故里指
何求登茲山以懷古弔二忠之先生望廬陵之故里指
雲際之遙岑後百世而尚友感鬱鬱之霞蒸憶庾信兮
枯樹遇阿房兮武陵疑茲山之騰笑遂勒移於山庭恭
洗硯而作賦愧十二之龍寶元劉說辛亥清明日陪
彭琦初黃用實八人同登螺山瑞華用仲子尚文韻小
礪迴礪響石鐘意行忽憶去年重樓光納勝空千境山
勢增高得萬松經案香消風動塵禪房花落畫無蜂窠

禾橋外經行路惟有青山似昔濃
一笑相看有會心勝日從來成邂逅
故人新句妙何陰
山含萬古春情薄水挾孤城霧氣深
老懷正復託浮沈
隨意酒家聊復醉暮歸未用典腰金

金鳳山在廬陵縣南二十里永和市東形似鳳故名

娑羅山在廬陵縣南三十五里狀類人俯身又名拜相

山上有龍窩崖清泉旁沸北望華蓋嶺南挹香鑪峯勝

概蜿蜒爲一郡大觀歐陽氏聚族於此

香城山在廬陵縣南四十里緜亘百餘里南北麓界永

豐吉水亦號三縣山高數百仞三峯筆立中一峯尤奇

秀其下爲宋胡銓故居香亦作薌

文山在廬陵縣東南一百里下臨江
宋文天祥文山觀大水記自文山門

而入道萬松下至天圖畫一江橫其前行數百步盡一
嶺爲松江亭接隄二千尺盡處爲障東橋橋外數十

步爲道體堂自堂之右循嶺而登爲銀灣臨江最高處
也銀灣之上有亭曰白石青崖曰六月雪有橋曰兩峯

之閒而止焉天圖畫居其西兩峯之閒居其東東西相
望二三里此文山濱江一直之大概也戊辰歲余自禁
廬罷歸日往來徜徉其閒蓋開山至是兩年餘矣五月
十四日大水報者至時館中有臨川杜伯揚義山蕭敬
夫吾里之士以太學試羣走京師惟孫子安未嘗往輒
呼馬戒車與二客疾馳觀焉而約子安後至未至天圖
畫其聲如疾風暴雨轟厯震蕩而不可禦臨岸側目不
得往視而隔江之秧畦榮隴悉為洪流矣及松江亭
之對為洲故垓然隆起及是僅有洲頂而首尾俱失
老松數十本及水者爭相跋曳有僅有洲建嶺千丈洵
東橋坐而面上游水從六月雪而下如建嶺千丈洵
湧澎湃直送乎吾前異哉至道體堂堂前石林立舊浮
出水面如有力者一夜負去酒數行使人候六月雪可
進與否圍棋以待之復命曰水斷道遂止如銀灣山勢
回曲水至此而旋前是立亭以據委折之會乃不知一
覽東西二里而水之情狀無一可逃避故自今而言
則銀灣遂為觀瀾之絕奇矣坐亭上相與諧謔賦唐律
一章縱其體狀期盡其氣力以庶幾其萬一余曰風雨
移三峽雷霆擊兩山伯揚曰雷霆真自地中出河漢莫
從天上翻敬夫曰八風捲地翻雷穴萬甲從天驟雪驟
惟子安素不作詩聞吾三人語有會於其中輒拍手持
鬚捧腹頓足笑絕欲倒蓋有淵明之琴趣焉倚闌踰時
詭異卓絕之觀不可終極而漸告晚矣乃令車馬從後
四人攜手徐步而出及家而耳目眩顛手足飛動形神

不自甯者久之他日予讀蘭亭記見其感物興懷一欣一戚隨時變遷余最愛其說客曰羲之信非曠達者夫富貴貧賤屈伸得喪皆有足樂蓋於其心而境不與焉欣於今而忘其前欣於後則忘其今前非有餘後非不足是故君子無入而不自得豈以昔而樂今而悲而動心於俯仰之間哉予慨然有閒自予得此山予之所欣日新而月異不知其幾矣人生適意耳如今日所遇霄壤閒萬物無以易此前之所欣所過者化已不可追紀予意夫後之所欣者至則今所欣者又忽焉忘之故忽起奮筆乘興而爲之記具諗同游者發一噓又文山郎事詩宇宙風煙闕山林日月長閒灘通燕尾伐石割羊腸盤谷堪居李廬山偶姓康知名總閒事一醉權滄浪

天馬山在廬陵縣東南與文山相對其右爲東門山宋景定閒義士鄒瀾率鄉人立柵茲山以避寇

龍須山在廬陵縣西五十里峯巒聳絕頂有泉常流不竭唐一登禪師嘗駐錫於此代宗時土人龍須建法雲菴因名或云水之潨洄曰湏湏誤須也曹輔送周吉

州詩龍須山對殷侯池池面山容兩清絕

國朝順治丙申歲有烏千百翔集山上一大者中立餘環拱之不鳴不食一宿而去或以爲鳳凰云

武華山在廬陵縣西南五十餘里一名丫髻山雙峯峻絕高入雲漢其西羣峯森列環繞如城前有香鑪峯峯頂平曠可容千人山徑險隘宋元閒鄉人常保此曰楓子寨山麓有泉雖旱不竭禱者常於石下投符必得雨因呼龍王崖山有寺面木魚峯寺背流泉頗似匡廬三疊

玉城山在廬陵縣西七十里山峻極而上平曠泉石甚勝宋元時鄉人嘗避亂於此

觀山在泰和縣西十五里泉流千尺冬夏不涸黃庭堅

有觀山千尺夜泉冷之句相近爲金華山其脈自武山連互至此與玉華山埒秀

武山在泰和縣西三十里一名新山勢如躍馬周六十里縣之主山也北一峯最高曰武婆岡世傳武姆飛昇處又有陶皮石室龍王洞珍珠泉虎鼻峯望陽石禮斗石衣籠石南崖石西崖洞石鼓丹井雲峯寺佑仙觀十四景

明周是修武婆岡詩處女桃花顏自幼謝塵匹飄然入茲山燒丹學仙術乘雲以何代留名至今日

徒令凡世人千載指遺蹟

金華山在泰和縣西十五里脈自武山來與玉華山對

峙

明陳昌積上金華山詩娥岡尊縣勢轅水散支河地載人天塔洲存子午坡新城飛旆擬古路匿藤蘿倚

覽發長弔其如代謝何

傳擔山在泰和縣西五十里高峻非攀援不可度西南

有石筍峯尤峭拔下有九龍潭又有玉谿泉凡四十八
竅至巖前合爲一因名六八泉產茶味極香美世傳溫
道者所種相近爲潮山唐四祖禪師結庵山巔庵成江
水逆流聲急若潮故名有通天巖四祖巖其巔有唐則
天時舍利塔方址七成

高湖山在泰和縣南六十里峻絕奇聳頂有磐石其平
如砥非緣石捫蘿不可到

三顧山在泰和縣南五十里正當縣治三峯特秀如相
顧狀宋蕭楚嘗於山築讀書臺自號三顧隱客山下有
洗馬池相傳爲郭子儀遺蹟又有龍潭南巖三竅泉諸

勝相近

明尹臺三顧山篇贈羅仲子歸省詩吾聞章貢

二水合流東走入西昌下有二顧之山揭嶠當

其陽元陰散垂霧雨澤黛色幻布雲霞章斌岡峯二

十里逶迤北聳遙相峙盤盤突出層霄中峯峯倒映穹

潭底奇蒸秀孕興才傑百年迭奮名賢迹古來人文開
有時嶽降生申理所積天朝耆俊扶熙昌誰者第一文
貞楊後先茲地互隱顯乃今太宰揚芬芳景順之後尹
與陳赤紱次第躡台辰明珠本難別焜耀東崇泰岱殊
嶙峋比長校短懸尺度誰哉獨軼前賢步越城美壁破
纖瑕魚目空駭市僮顧嗚呼太宰百世士出也夷夔處
黃綺龍蛇消息眾豈知雷雨但望經綸起仲子今辭承
明廬綵服計日仙庭趨來時幸語三顧之山之嶠特爲
我指畫中曲紆毋令
萬里想像徒嗟吁

雙鳳山在泰和縣南五十里兩峯相連秀拔如鳳故名
大唐山在泰和縣西六十里勢如羣馬交馳上有大唐
寺

王山在泰和縣東八十里狀如卓筆高二十里周百餘
里晉永嘉中王子瑤隱此故名亦名子瑤山又稱紫瑤
山唐貞觀初匡智與兄子大郎求仙至廬山遇異人曰
此陰山也不如南求陽地入此山得仙故又名匡山有

送龍潭釣魚臺駕鶴峯禮斗壇煉丹井衣冠冢圍棋石
讀書巖通仙橋白蓮池崇元觀滾泉池十二景山東接
廬陵縣界

明蕭士瑋詩雲以山當舟舟行岸
欲徙不知山藏壑祇疑雲似水

蟠龍山在泰和縣北三十三里山勢委婉若龍蟠

三華山在泰和縣北迴環如螺又玉華山在縣西北狀
如屏幃山頂有池數畝冬夏不竭

禾山在泰和縣西北五十里唐時嘗生嘉禾故名禾山
二水出焉九月閒山產浮筍

仁山在吉水縣東北五里二小山相對橫峙如仁字故
名

甘露山在吉水縣東二里舊名虎邱山宋紹興初甘露
降其上故名又東一里爲太平山上有許旌陽祠又東

二里爲鳳山上有鳳凰巖瀑布自巖達於江

張華山在吉水縣南下有石洞泉自洞流出世傳爲龍穴洞口有玩龍亭

中華山在吉水縣二十里眾山環擁一峯秀出如懸鐘有浮邱王郭三仙壇禱雨輒應

鹿角山在吉水縣西六十里形如鹿兩角故名或云昔

有仙騎鹿過此一稱鹿角峯元劉詵九日登鹿角山詩并序余舊家吉水南嶺有

山嶺嶺如鹿兩角俗呼爲鹿角當在宋時山下有喬木數千章連抱參空陰雲蔽虧鸞鶴號集宛然深山太古

意也迨國朝始通是鄉爲官達創馬驛所謂喬木斬伐殆盡葬爲曠土近年來或緣以長垣限以棘溝而所謂

曠土又將爲果園蔬圃矣嗟夫是鄉特寬閑寂寞之濱而爲谷爲陵者如是不一則通都大邑之改化又何怪

也余每歸故鄉至輒喜留滯不能去昔人所謂樂其所自生非歟至正癸未遂因度九節於此於時天氣連陰

初可衣單袷八日意行飲楊君文川別墅又飲其兄吾可桂花樹下羅君宗伯宗仲邀過其家劇飲痛醉至暮

乃歸衣冠駢集居人屬目余因朗誦曰九節追歡亦偶
然羣賢攜酒路聯蹕茅簷老嫗扶孫語重見衣冠八十
年文川和倡云有約登臨興浩然風吹襟袂舉鵬鵬先
生領袖衣冠盛史醉黃花四十年遂約一日登鹿角峯
至期余乃攝衣徑造其頂同游二十六人列茵相向坐
如環絲竹稍開因用東坡太華峯頭作重九天風吹豔
黃花酒浩歌馳下腰帶鞶醉舞崩崖一揮手分韻余得
作字約明日詩集獨缺程崩二字亦以避所難所諱也
明日詩集同游徵余序遂書文江以西渡楚寥廓有山
削成蒼鹿角驛亭古道數百家人煙四起象虛郭我亦
鹿角山中久客歸來似遼鶴輩行已稀少壯多白頭
愈覺鄉土樂秋天九日雲漠漠振袂凌危散腰腳大江
東來忽空闊青山環走擁簾幕豁然百里指顧中南眺
層城北仙閣白鵲醵醴照醪酒碧盤崔嵬出微睨羌笛
高吹破落日郵鼓狂鳴動虛壑谷精遁走山鬼奔樂極
但愁風雨作風雨作可止之請君勿輕動浩歌且更酌
向來豪雄今安在馬臺龍山俱寂寞不如藍田把黃翁
荒芳終以文字託鹿角山山頭石路何華碩應知後人
慕羊公佳時
踏破青芒屨

天獄山

一作天獄山

在吉水縣南五十里相傳此山鎮伏奸

宄上有地方廣丈許履之覺下虛如鼓聲俗謂之鬼監

故曰天獄亦名天玉山又稱黃亢嶺

一作黃原

東山在吉水縣東二十里縣互二百餘里漢劉智請移郡謂東通大山者卽此

西山在吉水縣西南八十里重岡疊巘若屏障然其間一峯獨秀曰望火樓昔寇亂居民登此以望烽火下有水東流爲朗溪

崇義山在吉水縣北二十里有南岡禪寺其寺僧衣服飲食相讓故曰崇義

朝元山在吉水縣西北五十里有方石點如金名黃金臺

南山在吉水縣北六十里山阿數石屹立號石人峯下有宋王子俊振古堂相近爲望符山舊傳晉許遜於此

江西通志卷五十三 山五
望符

觀山在吉水縣東南九十里蒼翠可愛

東固山在吉水縣東八十里周圍羣山連屬四百餘里
獨此屹然高聳爲縣之東鎮

鼇山在吉水縣北蜿蜒突兀

崆峒山在吉水縣西北九十里山多黑石或化白其年
輒有擢科者

龍華山在永豐縣南五里晉龍華真人於此得道朝易國

學實秋盡登龍華高頂詩萬壑風驅雲作關龍華嶺上
試秋寒密樹半爲紅露溼山人猶是白衣看兩江裂練
吹絲至獨鶴空天掠夜殘坐到
峯高銜月小更憑清夢入松盤

西華山在永豐縣西五里形類覆鐘有浮邱王郭三仙
殿歲旱應禱三十里有寶山聳秀可挹

陽山在永豐縣西北十里相傳葛仙於此煉丹上有集靈觀丹井亭絕頂有丹鑪藥臼

嶽山在永豐縣北十五里五峯森列相傳浮邱王郭三仙嘗過此上有凌空閣寓仙館注生堂文昌祠明崇禎閒擴注生堂爲長春殿

雞籠山在永豐縣東北四十里四面平疇山獨峙若雞籠然

香鑪山在永豐縣東四十里以形似故名又東十里爲郭山接樂安新淦二縣界

五勝山在永豐縣東南一百里五峯連聳上有石龜其罅有水流入莫知所出

鳳凰山在永豐縣南一百六十里宋歐陽修葬父處卽

瀧岡阡也左爲修之故居旁有沙谿市

沙山在永豐縣南一百六十里一名杉山舊有福興廟
宋文天祥父儀嘗謁此題詩於壁有紅日麗天掀霧幙
白雲歸洞見山屏之句相近爲石門山有大石對峙如
門

里山在永豐縣東北五十里幽險邃僻接樂安新淦崇
仁峽江四縣界

龜陂山在永豐縣東北七十里迴伏連互接宜黃樂安
兩縣界

蒙岡山在安福縣東里許一名鳳山又名秀峯林木森
茂明尚書王學益嘗築書屋於此縣北二里北華山一
名玉箱山上有庵山頂方平

麟山在安福縣東十里一名筆架山

一作晉石山誤

突起江濱

石峙如鱗角里人周憲居其下未第時泊尚書夢山神告曰居我山曷不讀我經乃改治春秋遂得第

浮山在安福縣南十餘里層峯疊嶂有洞虛觀閣黎峽峽口舊有古松一株上有石如龍骨熱之微腥又有桃花洞芙蓉嶺菡萏峯姚崇讀書臺

浮岡山在安福縣西上十里石壁光明五色眩耀望之如龍虎狀

天臺山在安福縣南二十里有石砌石磴觀音崖相傳葛仙煉丹處西曰西山有蟠藤古廟又南十里爲玉荆山相傳晉時有人犁田得玉故名又南十里爲三峯山卓立雲表又名雲峯西北有長礬洞石益泉南有小石

屋明劉陽題曰半雲洞天相近有書岡山兩峯屹立上有平臺相傳晉陶潛讀書處下有陶潛潭

青岡山在安福縣南五十里高峯矗如旗幟小峯離立里許如綦布梅點相傳爲桓修疑冢

斑竹山在安福縣西十里產斑竹竹下有斑魚池相傳晉魏夫人於此煉丹石上鑪竈宛然

新茨山在安福縣西五十里漢豫章太守賈萌與安成侯張普戰於新茨之野疑卽其地

胡仙仰山在安福縣北四十里其高峯曰黃公洞有泉曰真濟又北二十里爲鵠湖山上有鴈峯白鶴峯石人峯三渡橋桃花澗

月山在安福縣西一百里一名明月山頂有石如月下

有月山寺又西二十里爲高峯山山徑峭險上有龍潭
禱雨輒應

武功山在安福縣西一百二十里根盤八百餘里初名
武公山相傳有武氏夫婦遠來修煉婦止泰和縣武岡
夫止此故名及陳武帝時山神陰助王師平侯景之亂
更名武功最高處爲白鶴峯距趾三十餘里夜半可觀
日出舊稱晉葛元葛洪先後修煉此山又名葛仙峯上
有葛仙壇旁有石塔時見赤焰若金鐙然又有煉丹池
泉不竭求嗣者於激流處掬水得圓石則宜男山麓有
集雲庵半山有箕峯庵南有圖坪庵昔有異人游此潑
墨於門壁閒忽不見洗之見詩一首行草書甚奇墨刻
至今存或以爲白玉蟾云其西隸袁州府萍鄉縣

明彭華二

月晦上武功山詩聯步躋攀弟與昆亂山深處霧昏
落花間逐谿流出芳草新遮野燒痕樹密微窺紅日影
山高真躡白雲根遙知絕頂丹書在欲倩仙師細與論
鄒守益游武功山詩我從石屋訪葛仙芒屨猶帶東
陽煙山靈愛客苦淹留九日陰雨相纏牽東游龍窟西
集雲足迹宛轉溟海壘新晴忽報鐘磬發仰視星河淨
涓涓興來清晨理我髮進逐同志升碑岬石磴盤迴轉
長虬觸目揮汗不肯歇俯首萬山波相舂玉井碎茁青
芙蓉澄川交瀑砂磯練比屋斜綴蜜房蜂團雲忽起障
我熱兩袖飄飄駕剛風咫尺林木不得辨冷然直入東
吳宮環視上下一天色僮僕爭愁雲雨急恍疑混沌天
未開手扶兩儀分太極仙翁獻赤日照天府圓光熒熒
下土靈鎖不放塵氛來獨懸赤羽衣舞蹕蹕天開肝膽
玉京雲擁雉堞如銀城霓裳羽衣舞蹕蹕天開肝膽
九成章亥所步幾萬里次寥無翳海波平洞開肝膽
上帝粗穢一滌丹池清雷巖石瞰滾龍峽相傳神篆藏
瓊匣結茅且倚木榻臥初試囊中煮石法浩歌呼月正
皎皎白兔怯寒杵聲小香爐臍腫手可蒸檀煙撲鼻何
標紗徙倚不覺斗柄斜啟明先驅引絳霞陽鳥振羽若
木華金甕炫耀東皇家熊羆識丸中第一義羣螽莫笑阮
籍狂瀾廟爭守李赤魅屈誰識九中第一義羣螽莫笑阮
籍狂瀾廟爭守李赤魅屈誰識九中第一義羣螽莫笑阮
下風脂車復欲入鄒魯丹檢一啟秦山封馬猶龍游
武功山詩知坐茅庵翠幾層懸猿猶戲萬年藤白雲峯

頂千秋月深夜寒光照定僧
山不覺住山深開來欲問齊雲路落葉蕭蕭不可尋

九龍山在安福縣西北一百十里萬峯環繞林木蓊鬱
相傳劉蓬頭結茅山中

蹲山在安福縣西南一百四十里上有風窟百餘步無
草木每風出塵沙飛揚又西南十里爲更生山相傳吳
時有女子居樟木下木大數十圍孫皓遣人伐之莫克
女祝曰汝今且去他時更生遂克之後果復生山下有
更生夫人廟

晉石山在安福縣東十五里臨江輪囷特起狀如魚脊
尼山在安福縣東延袤百里高插天表勢若翔龍其下
兩石峙立如門中闊數丈泉流其閒

南岡山在安福縣南五里一名五里岡又名龍岡

龍湫山在安福縣西南二十五里有小谿出兩山閒藤蘿古木青翠鬱然

陳山在安福縣南四十里高聳峻拔卓立天表其麓有碧雲洞兩山削立如門

西山在安福縣西十里一名文旆山林壑幽險有谿出兩山之閒旁有龍穴可禱雨

雙龜山在安福縣西六十里狀如雙龜相踏其下一山中斷水流其中兩岸垂下若帷幄惟亭午見曰名九日巖一名碧玉崖亦名壁峽後又有洞虛曠可容數十人

石屋山在安福縣東五里有石巖如屋舊刻石屋洞天

四字土人祀唐令劉像於中

明劉球詩孤峯直上見遙川絕壁中分小洞天林麓

有岐蒼巖沒石局無鎖白雲連泉甘如滴金莖露香煖應浮寶鴨煙獨與歸來彭澤令春風著屐共攀緣馬

猶龍安成石屋觀周日培新構草堂詩松堂人靜晚煙
稠樹古雲籠小洞幽獨倚曲闌看翠滴不知山色在高
樓

金山在龍泉縣西一里形如金字與縣東銀山夾峙上
各有塔縣名龍泉俗以爲龍之雙角

錢塘山在龍泉縣東南六里山壤衍沃下有徑通南康
縣又東南四里爲玉泉山泉出石罅潔白如玉故名

西龍山在龍泉縣西二十里頂有風穴相傳有異僧暑
中至民家求飲弗與拂衣去以杖觸山頂石罅風大作
俗呼西龍風遇霜夜怒號尤甚陰雨則息有樵者以土
石塞其穴乃自山下潭中出波濤洶湧久乃復故

石含山在龍泉縣西一百五十里延袤數百里跨永新
縣及湖南之桂陽茶陵境一名萬洋山亦作萬陽山

五華山在龍泉縣南十五里正對學宮如執笏拱立中峯之頂五尖並峙如芙蓉

盤窩山在龍泉縣西南盤鬱秀麗有龍洞懸崖百尺松竹森列谿水環抱爲一邑之勝

天馬山在龍泉縣南十里狀若奔馬其西一峯懸崖特出如馬頭

芙蓉山在萬安縣西五里秀麗超出眾山宋周子過其下嘆曰芙蓉山何減文章嶺邪其門人因賦錦繡湖邊徵理學芙蓉山裏見文章之句

龍頭山在萬安縣東二十里高數百丈山如几案又名案山上有仙壇嶺仙聖羅漢二巖擣藥臼仙人蹟巖臨谿水谿中有大小石鑊東注黃龍潭西注龍谿

蕉源山在萬安縣東四十里形尖峭樹木鬱茂舊產鐵
一名東谿山又東四十里爲西平山亦名西陽山三面
懸崖惟西南平坦梁水出焉

韶山在萬安縣西北四十里俗傳虞舜南巡奏韶樂於
此有舜祠今廢

金牛山在萬安縣南六十里東瞰大江有石如牛建金
牛廟又縣西南八十里有五馬山其峯相連狀如五馬
東華山在永新縣治東下有澄潭及金星石縣東南三
里有大洪山一名花斜嶺

義山在永新縣南二十里峯巒相顧若有長幼之序故
名唐天寶初嘗改名永新山有聰明泉宋劉沆有義山
山下有靈泉泉號聰明自古傳之句相連爲南華山勢

如飛鳳相傳仙人匡智棲化其中今有仙壇瀑布泉疏
磯洞仙人壘仙人牀明正德間同知朱滾鐫南華天秀
四大字於石壁明劉定之義山詩家居禾川謂義山日對面帳未得登臨此心徒健羨今春雪中來半塗足已倦顧視萬坡陀茫然莫可辨巖蘿冒花
寒苦亦吾願日暮抵山麓小谿亂石灘僕夫指龍湫時
或出雷電信宿留山間陰晴已千變仁里固有郝誅茅
從所便嗟我四方人安得長春戀

綏原山在永新縣南四十里勢連永甯鵝嶺其上石峯

如塔形俗呼阿育王塔

高士山在永新縣東南五十里昔有高士宅其麓後人
建庵祀之

禾山在永新縣西北六十里勢接衡潭周數百里昔有
嘉禾生其上故名亦名秋山旁有石崖瀑布直下盪爲

深泓顏真卿爲吉州別駕曾游此大書石上曰龍溪山

有七十一峯最幽者爲赤面峯昔有異人居此存一釜

徑丈許半瘞土中

明周敘望禾山詩雲際禾山倚次寥霞明日出露岩崑氣吞吳楚千峯壯

勢壓衡潭百里遙古洞碧松開翡翠龍谿流水
鴻瓊瑤有懷二相登臨地惆悵英風不可招

後隆山在永新縣北十里宋劉沆祖景洪居此自占其

後當隆故名

拔鐵山在永新縣西南一百餘里南爲雞冠巖西爲更

鼓寨周百餘里接龍泉縣界

鄒岡山

一作騶

在永新縣東二十里其麓有仙谿洞下俯

深潭對峙者爲金竹峯

馬頰山在永新縣東四十里於羣山中最高聳

熾山在永新縣東南六十里羣峯矗起勢若火熾因名

漿山在永甯縣西三十里峯巒峻峭有泉味甘如漿上有蜀先主行祠

小玉笥山在永甯縣西四十五里泉石甚勝以別於峽江之玉笥山故名南唐孟賓于隱此

拐湖山在永甯縣南五十里泉出山腰下匯爲深湖

迎岡山一名銀岡在永甯縣西北三里中有石潭歲旱禱雨於此又縣西北二十里有小江山

旗山在永甯縣南一里勢昂聳如列旗幟

關城山在蓮花廳十九都南北兩峯對峙嶺脊絲互而下中築城爲關關外屬湖南茶陵州界

金竹峯在廬陵縣北六十里高三百餘丈兩峯對峙如竹

文筆峯有二一在廬陵縣洹化鄉宋文天祥世居其下一在廬陵永福鄉淡江蕭氏居其下

螺髻峯在泰和縣南四都秀聳如髻髻狀

巽峯一名青螺峯在吉水縣南五里又縣西十五里有牛岡峯一名斗峯五岡連屬一峯獨高世傳楊善飛昇處又名楊父嶺山有仙師廟所遺白角每旱禱吹之則雷雨隨作

蓮花峯在吉水縣東六十里峭壁萬仞松杉森蒼中有池產白蓮花又菖蒲生水中經冬不彫十年一花人欲採之者入池中竟迷不得壁上詩相傳呂仙所題今漫滅矣

明羅汝芳夜游蓮花峯詩柳頭雨歇雲仍花飄空萬片驚紛拏犬號竹裏雞籬外咫尺莫認爲誰家

尋山興豪晚未足諸君促騎行相續林叢瀑灑雲愈深足著俄臨千仞谷篝燈谷底疑星光云是野人茅結房

僕夫徑迷遠呼評嗽嗽指辯東西方老僧經案眠已久
卻叩禪關開戶隔拾薪炊火夜似年蒲團跏坐室如斗
朝來更上山之巔飛帆遠見梅江船
青蓮亦有慈航在安能共渡境無邊

三凹峯在吉水縣西北八十里上凹之山壁立有石高
數尺相傳此石生光必有中科第者遂名石鏡中凹爲
南北通衢下凹臨赤石潭有黃雲岡祠旱歲應禱

一峯在永豐縣東南八十五里舊名飛孟峯孤巒秀矯
明羅倫取以自號

東陽峯在安福縣東十里磅礴高聳頂有巨石可坐數
十人時出雲氣居人望之以占晴雨其南爲白雲峯一
名白馬峯下有葛仙壇壇下有泉流入蜜湖

石榴峯在安福縣東十五里俗名龜山狀若龜之渴而
飲於江下有龍潭深不可測元時有漁人沒水誤入洞

中石牀臥一老人蓋龍所居也

雙巽峯在永新縣東南十五里兩峯並聳直縣治巽方

雙乳峯在永新縣西阜旗山之右其麓有顏詡墓

文筆峯在永新縣南六十里一名丙峯屹立圓銳

七星峯在永甯縣北一百五十步又縣西五十里

一作丁里

巾子峯在龍泉縣東南三十五里頂尖而秀高數百仞
出龍鬚草

雲騰嶺在廬陵縣西三里山勢屏列於長岡之外相傳
唐刺史吳世雲升仙於此下有噴珠泉

車駕嶺在廬陵縣東山西南湖上相傳唐中宗嘗游此
今名嶺子山下多萍池春夏泛浸如湖

九巘嶺在廬陵縣西南十里自沙嶺以達高沙合九峯而名

書眉嶺有二一在廬陵縣北真君山後平衍可五里許
國朝順治三年大兵屯營於此一在廬陵縣北五十一都
有石如碁局名仙石

廖仙嶺在廬陵縣西南六十里山勢盤折又名曲山蕭
氏世居其下有石崖世傳唐會昌中廖仙姑隱此
甌蓋嶺在廬陵縣西七十里其北有麟嶺形似麟高百
餘丈東陂環之

方石嶺在廬陵縣南百里連峯則劣騎不得上左翼羅
坑諸嶺右有庾山養軍山龍口瀑布雪谿坑諸勝宋景
炎二年文天祥自永豐引兵還興國蒙古將李坦追及

此都統鞏信力戰死之嶺南有統制石卽鞏信死處

蹲嶺在廬陵縣西三十里登此可盡城郭之勝又名望

城岡

登科嶺在泰和縣西北五里舊名鐙窩宋劉廷雋居其
下擢第改今名

減飯嶺在泰和縣東三十里濱江形如偃月遇江漲則
漸傾減俗傳此山日減則民食足故名

城頭嶺在泰和縣南四十里上有獅子寨下有蛟潭又

四十里爲閩川嶺一稱浪川嶺廣袤三十餘里亦稱浪

川洞

明劉崧題浪川洞詩一洞深連三十里兩崖高聳
萬千峯溪流交路爭穿草一色窺林牛隱松野碓

春泉秋雨急土窑煉石晚煙濃雲
深不記平畬路月落時聞資福鐘

分水嶺在吉水縣南四十里又南四十里爲穹嶺與西

山對峙亦名東山

楊梅嶺在吉水縣東五十里出楊梅又東十里爲韓相嶺相傳南唐韓熙載曾游此

鹽倉嶺在吉水縣東二里其上寬平南唐時曾置倉貯鹽於嶺上以給居民故名

王嶺在吉水縣北九十里絕頂有石壁高數十丈下有小巖高可五六尺歲旱鄉民於此禱雨將盥薦輒有微溜出石崖上亟以器貯之水多則雨隨至其側有范蕭嶺相傳范蕭二人學道於此

獅子嶺在永豐縣南三十里上有巨石如獅舊傳有僧號禪和大師結茅其上後淩雲去

聖嶺在永豐縣南二十里上有井深廣數丈前有峯曰

仙人臺

白芙嶺在永豐縣西四十里又名白霧嶺接吉水界

石空嶺在永豐縣南一百十里形如覆斗空闊可容工
三百人其上爲古寨場

大盤嶺在永豐縣東七十里嶺面寬平可耕多種藍又
名藍田嶺東接樂安縣界

龍堂嶺在永豐縣南七十里亦名龍潭嶺上有古砦宋
建炎中居民避寇於此

相見嶺有二一在永豐縣南一百四十里山勢連五六
十里行人往來常相見一在縣南二百五十里兩山對
峙相見

九曲嶺在永豐縣南一百四十里連互九曲上有九峯

高霄嶺在永豐縣東南一百八十里其並峙者爲懶嶺一名懶隔嶺俱高聳阨仄又當要道行旅苦之

鄧嶺在永豐縣西三十里亦名九峯嶺蜿蜒起伏爲一十八坳

禪和嶺在永豐縣北五十里高幾千仞接新淦縣界羊角嶺在安福縣西五十里一名煬岡山上有仙壇龍洞洞秉燭可入數十步水深莫測又有達仙臥石錫杖迹其下有潭巨石如石鐘倒垂擊之有聲其北爲龍雲嶺宋劉弇居其下

黃牛嶺在安福縣東五里一名龍山上有三仙臺下有龍窟

長嶺在安福縣西六十里有石墨可以種火是爲不灰

石

西雲嶺在安福縣西一百二十里山勢聳特相傳鑒義禪師於此化去遺銅印一枚一刷可度十數紙

游嶺在安福縣北四十里本名牛嶺安福居其陽袁州居其陰舊有羣牛經此山遂成小徑北走袁州者多出此

鵝嶺在龍泉縣西四十里勢插層霄有飛雲洞集雲峯石人峯仙鵝池金龜石老蛤石諸勝元初立永甯縣治於嶺之西界

黃土嶺在龍泉縣西南二十五里迴環峻峭土色皆黃自麓至巔九折而上元季嘗於隘處置關遺址尙存

蓬萊嶺在龍泉縣西北五十里上有金雞石通天巖諸

勝人擬之海上蓬萊

金船嶺在萬安縣西南六十里相傳胡僧過此掘地取金船而去

西岡嶺在萬安縣西五十里瞰大江

條嶺在萬安縣東南一百里路通黃塘

千峯嶺在永新縣西四十里諸峯連亙近千數

七谿嶺在永甯縣東北十里舊名鵝公嶺明嘉靖間知縣梁爵闢路又名梁公嶺長可二十餘里林木交蔭有

泉流爲七谿三十六洞

弄心嶺在永甯縣西北七十里接湖南茶陵州界縣西南五十里有楓谿嶺接湖南酃縣界

美岡在廬陵縣西桃花巖之南碧谿抱流南峙石壁松

檜蒼翠勝槩頗多

鳳岡在廬陵縣南二十里元通判楊應星嘗精精舍於

此

明陳嘉謨詩并序距香林東南三里曰鳳岡岡之下

富

田曰龍窟今土人呼為石窟文山先生生於龍窟長於

窟

以爲先生降神地也瞻望久之萬歷庚寅秋再訪其

地

其遠孫出家譜視予則先生五代祖已徙富田矣事

遠

不可攷豈兩地互借爲重乎夫先生奚啻爲兩地重

也

感之賦二首先生生爲一代重先生死爲百世師

空

餘兩地留喬木傳信傳疑未可知三百年收養士

功

一身四海自孤忠我來無

地

薦蘋藻賸水殘山感慨中

天

柱岡在泰和縣南二十里狀如天柱直縣治之南胡

儼

詩當天削出芙蓉青雲中一柱屹不傾蒼然不改太

古

色直與華嶽爭崢嶸紫虛真人有琳館琪樹千章花

纂

纂青鸞飛下絳桃開白鹿鳴時瑤草短真人飛佩夜

降

臨火鈴撒地流洪金赤松吹笙白虎嘯王斧鼓瑟蒼

龍

吟颯颯清風動林藪月光如水山靈走麻姑忽報呼

母

來笑挹琉璃漿樹北斗羣仙高會良難遇我醉欲眠呼

不

去滿身祇覺露華涼山鳥初曉谷將曙歸來人世幾

星

霜竊祿空慚兩鬢蒼何時騎得遼東鶴還向江頭問

故鄉

日岡在吉水縣北四十里廣數丈其圓如日相距五里有月岡狀如偃月

五里岡在安福縣南五里一名龍岡晉郭璞安復遷城記云鳳山龍岡狀元文章

貞女岡在龍泉縣東北十五里上有貞女墳

雲岡在萬安縣城東北隅一名鳳岡宋慶元閒遷儒學於此

桃仙巖在廬陵縣西三十六都仙城嶺下石洞虛明可居百人石樓上聳古柏蒼然

石屋巖在廬陵縣西七十里從大穴入中如廳事可容三百人石天成如闌干元季毀於紅巾賊巖口出泉經

旱不竭

十龍巖在泰和縣南四十里空洞可容百人中有龍井
通天巖在泰和縣西潮山側亦名聖巖有飛泉自巖而
下入石罅中

清水巖在泰和縣西五十里其廣可容百人深無底世
傳一道人入其中有石燕飛來撲人度行十餘里聞有
撒網聲懼而還又縣東王山之半有讀書巖形若瓦甕
可容二十人世傳匡仙讀書處

北巖在泰和縣西武山

明劉崧北巖禱雨記北巖在武山禮斗石下最陰寒中空洞如

屋有泉注焉其東西南三面皆峭壁惟北向可眺望相傳古陶皮二仙人修煉之所唐曉了禪師亦嘗憩焉或名曰觀音巖有石像石鑪欲傾其中不知創自何時近歲遭兵亂草木蒙翳豺虎入宅人迹罕至洪武二年夏不雨踰月民走壩廟至迎龍湫潭越數十百里外咸不應南谿土族有蕭君鵬舉獨怒而憫焉乃詢父老往時

禱雨故事或以北巖告者君曰然即齋戒出行且宿三日以俟命以六月戊辰具蒲幣潔菜醴望巖而行且行且拜進至巖下見雲氣自西南稍稍來合雨數點灑淅過將下巖陡望見雲氣自西南稍稍來合雨數點灑淅過將抵廟山復有黑雲如車蓋起巖上會疾風引而西雨驟下如注禱者咸俯伏山下眉髮沾浹衣巾淋漓泥潦中不敢去自午達申不止明日山下田隴間水潦交流膝路漫不可辨禾鮮翠挺挺起立丁丑復雨巖以太稔君則曰緊仙靈之賜不可不報乃八月事未相率翦綵為金幣為幡幢復結草為車輿亭臺作鼓吹以報伯之又明日合錢為姓酒賽田神因以勞賞從事者無不歡欣醉飽感謝明賜君獨歎然若不能以自致者余時留館中見其報之之勤而益信其祈之懇也又聞自蕭氏之禱既應凡四境皆望走即無不獲雨者夫位無崇卑事無大小惟至誠可以貫金石通天地由是觀之則凡有民社之寄而談曰非其責可乎或者不知盡己願乃屑屑焉以求媚於虛無靈怪之末則亦過矣作北巖禱雨記

洞巖在吉水縣南八十里產龍鬚草

般若巖在吉水縣東南九里廣丈餘相傳般若大師學道於此又縣東桑洞山下有仙女巖元大德三年立王

郭浮邱三仙壇禱雨輒應

大仙巖在永豐縣東南一百二十里相近有豬肝巖銅錢巖穹然百丈窺其中有隴畝之形錯布不可入

教授巖在永豐縣東南八十里武岡教授羅開禮幽棲處里人重羅死節故以官名巖

白水仙巖在龍泉縣東南四十里上有三瀑泉

黃塘巖在萬安縣東南八十里亦稱黃塘洞一名通天

石室奇峭幽邃有石鶴石鹿石龜石蛇諸狀下有玉乳

泉可溉田千畝

明朱維京詩見說黃塘洞奇蹤最可憐鞭迴度海日鍊自補天年鱗甲疑風動

刀環似月圓曾聞雲漏景只許稚川便

花石巖在永新縣西四十里千峯嶺之半勢甚奇峭又

西爲長春巖

楓谿巖在永甯縣西南五十里接湖南邵縣界

金洞在泰和縣西六

一作上

都山勢縈迴約五里許日出

照耀鮮明如金

東繇洞在泰和縣南四都一名東沔以沔水所出故也
洞西又有高龍洞洞南爲老虎坳洞北爲鵝鼻峯

黎洞在吉水縣東五里黎王寨下洞中皆良田谿水極
清縣南五里有神洞入徑最狹依山俯澗略可容足不
百步卽寬平有良田百畝許兩山合翠峯高入雲洞中
有石棺石鑪之屬

鷓鴣洞在吉水縣西北五十里四面環山中分南洞西
洞有田數百畝多鷓鴣南唐時盜吳光據之今其地猶
有馬家營鼓樓洲

石蓮洞在吉水縣西北九十里盤石屹立可三四丈中
 空如屋洞口有羅漢松枝甚奇古如虬龍然其洞本屬
 虎穴明羅洪先手開榛莽自題梅關二字又書虎豹關
 三字其後虎絕迹焉洪先於洞南建正學堂明陳昌積
遠訪羅念
 庵留石蓮洞三日因賦詩平坡何代表危峯揭洞今成
 半畝宮陟巖豈徒聞地籍鋤茅長自斷心蓬庭留白楊
 經年臥門掩青屏一徑通翻愧疏庸叨座客未將薰沐
 答春風尹臺題石蓮洞別羅宮贊達夫詩何年片
 石鑿荒萊翠擁搖蓮萬葉開山曲故宜藏霧雨嚴虛莫
 恐動風雷林間羽客緇經罷詩外齋僧乞食回相伴不
 妨成久臥天書鶴隱未言催劉應秋游石蓮洞懷羅
 文恭詩證道岩堯人翠微洞門幽竊石為扉竭來大士
 開蓮葉留與仙人振鶴衣國朝施閏章題洞門詩古
 木蒼藤老未枯洞門幽鳥白相呼白雲不記人來往誰
 似當年舊主無

金牛洞在永豐縣南二百里許境幽人寂明羅倫構書
 院於此

寶仙聖洞在永新縣東二十五里梅田山下亦稱梅田
洞深數百步內有石柳石龍石鼓石棊枰之屬有二石
對立若童子方石若書案俗呼雙童講書石世傳唐天
寶閒有言洞藏妙寶真符者明皇命張均等祠求之其
陽爲玉虛洞右爲合璧洞田國朝李紱次張士琦游梅
簇劍銘森戟架巨靈擎蹴夸娥負孰向古初窮造化藏
蔚日月隱光明開闢地天分晝夜三年夢想今一慰目
儲耳備驚不暇陽崖陰隧相臨騰幽龕回互一何夥蘭
持雙火照重暗直排阨塞窺崩騰幽龕回互一何夥蘭
臺少室剗嵩恆蝸蟠撲人風漠漠鐘乳接地雲憑憑得
名傳自唐天寶當日神仙事幽討漫遣張均索妙符真
仙不愛金龍禱暗池紅水搖丹砂絕壁明珠挂火棗瓊
宮上藥自珍秘肯許人閒紛草草山容不共歲月更苦
衣猶碧石猶積自慚靈運心多雜未信長源骨獨輕瓊
漿石髓交流滿錯愕不敢攜一航金華塵土亦荒穢玉
堂那得齊蓬瀛便擬此中結茅屋謝卻雄飛守雌伏還
許還丹養道心莫教弄墨觀除目洞裏有花記冬夏世
外無因問涼燠凡夫輒相瀆

石城洞在蓮花廳二十四都石城山石勢環抱如城舊
因宋劉弇游石廊洞詩誤以此爲石廊洞里人劉元卿
改定今名洞由小竇秉燭入澗水中流有觀音崖石鐘
石鼓石田諸名勝前後空曠可五里又呼書林洞明王
與劉濫瀟陳梅和游書林洞詩幾回攀折入蓬萊碧殿
晶光一寶開崖滴瓊漿晴亦雨風敲石鼓晝常雷泉聲
暗與黃龍渡樹色遙騰白鶴來金
篋祕書雲欲護狂歌天外有仙才

石廊洞在蓮花廳四都洞深一二里後俯前仰其形若

廊中有白石幢石鼓石檠石蓮花諸勝宋劉弇詩君不

洞天西南大半盤蒼巖此外元陽擅巔絕沉有石廊人

喜傳碧蓮參差隅地湧徙倚危梯飛蟠綽陰洞戶半

空開一縷聯凹愁寄種萬鈞崔嵬挂礧石吁可怪兮若

飛動天然微面尋丈開寒樹初慳煊神捧紫崖蒙茸瑤

草秀懸泉涓涓挹天酒淑靈豈卽乾坤私窟宅宛是神
仙舊飛鳥點影陽光回游子履深驚殷雷九夏三冬自
回幹雨陽寒燠爭喧祗神物奄有似無迹突兀古廟當
巖隈蹊蹊笑舞助怪變落日愁絕松風哀漱臨一方殆

天意累露之疑此其是仙乎仙
乎胡不歸忍使秋磷泣陰鬼

元陽洞在蓮花廳距石廊洞十里清泉湧出旁有元陽

觀相傳唐相姚崇讀書其中故山稱書堂嶺其下有壘

池元提舉李祁嘗棲隱焉又名鳳凰臺

清幽谷在廬陵縣東南青原山中一名青又谷

明馬猶龍過青

原清幽谷詩山重水複谷名愚杖履蕭條自可俱過谿
二十四道殊一一生石聽笙竽碧篠黃花生石膚青
寒蔓水中蒲深潭皎潔明髭鬚沁入心脾照骨癯且復
與居立須臾摩挲雜樹辨根株丹林秋燒引崎嶇空山
沙迹走磨腹清幽僧舍隱如菰雲竇寒泉湧入廚芋魁
瑩滑如玉腴山薑野菌當園蔬青山白雲道不孤世人
欲覓無其途誰為後來繼
我乎林深蘿合鳥相呼

石屋在廬陵縣北十五里山臨大江石屋架虛者二漁

人嘗泊舟其下

石倉在永豐縣南一百一十里中空如螺旋上有石牀

鵝公嶂在萬安縣東南十里脈自蕉源山來周環四十里峻峭崎嶇草木靈異山頂翹聳如鵝頭

苦富峽在吉水縣南四十五里兩山相對如峽居民力耕而富庶故名

芙蓉峽在萬安縣十八都石壁舊出鹽寺僧鑿石寬之鹽遂絕有花如芙蓉四時閒開移之他境不復秀發

洛陽峽在永新縣南三十里峽勢險絕比於洛陽伊闕釣臺石在廬陵縣青原山淨居寺南氣象甚古黃庭堅與周元翁游此賦詩有遯世一邱壑似漁非世漁之句刻於石

仙人石在廬陵縣南方石嶺北和風坑口有山磅礴狀如覆鐘石壁上墨楷書朱草書各數行又馬嶺之上有

人石二石屹如巨人一爲雷碎有東西泉溢出西人禱之虔東卽澀東禱亦然

牛眠石在吉水縣西四十里方廣丈餘舊傳夜靜時有金牛現迹

試劒石有二一在吉水縣北五十里元潭觀後相傳許旌陽以石試劒其劒留觀中長僅尺許非銅非鐵一在安福縣北桑田相傳劉像爲令時試劒於此

螺螄

一作絲

石在安福縣江汊潭四周水繞

以上並據府廳縣志

山六 撫州府

羊角山在府廨譙樓之左有石筍出土中如羊角相傳有童子自蜀青城山來者叩角致書而石開後人神之扁爲羊角洞天

元趙孟頫詩萬家樓閣翠雲屯中有名山古蹟存玉漏不催開日月禁城空鎖

別乾坤一拳白石封巖穴三市紅塵隔洞門欲問仙凡靈幾許何須窮海極崑崙

仙臨山在臨川縣南十五里上有集仙觀王郭二仙嘗至此

井山在臨川縣南二十五里黃華姑修真之所上有丹井唐顏真卿嘗書碑記又城西二十里有石井山黃華姑初駐此

仙蓋山在臨川縣南三十里諸山之水皆西注與宜黃水合水外有禪和峯高銳如筍

靈谷山在臨川縣東南四十里諸峯連抱如障以石靈像得名或云謝靈運嘗游此故名山半有瀑布飛流映日望之如掣練著名者曰文印峯其石門闕駐雲亭退心石棋枰石古牛石皆稱勝境山陽屬金谿縣

宋曾季狸詩舊

間伯子記已得靈谷名隱然望此州奇勝稱山靈懸崖
瀉瀑布如高屋建瓴喬松數十丈下有千歲苔仄足行
鳥道勢欲搏青冥仙事雖渺茫幽討未忘情高秋八月
後擇勝來經行黃冠兩三人淡然亦忘形煙霞到几席
爽氣來戶庭瘦筇間指點老瓦同注傾慙非換鷺子不
敢臨黃庭或可聯石鼎未必讓彌明重陽無十日黃菊
漸向榮佳哉此天氣一笑未易
營但願腳力健年年此尋盟

戚姑山在臨川縣南四十五里相傳長安戚文秀之女
修道於此乘雲上昇後人亦呼凌雲山上有仙壇觀下
有洗目池

接雲山

一作接雲峯

在臨川縣南五十里其南小銳者曰狀

元峯又南爲馬鞍山又南爲饒嶺山或云饒靈山有明
汪自然仙冢石上刻一律自然親筆也

雷公山在臨川縣南六十里一名大鹿山有池生碧蓮
南有井魏末居人李天明禱雨至古樹下遇五老人云

吾姓雷久處此井或云禱雨時霖靈從井出故名山西南有上鹿下鹿里蓋麓字之譌也

樓撫山在臨川縣南八十里峯巒交蟠相近有繡毬山接宜黃縣界其北曰高田山南曰洞源嶺中多怪石異木遠望形如繡毬

界山在臨川縣南九十里西連白楊黃沙諸嶺東盡潭山良安石門峽南接南城縣界

銅山在臨川縣西三十里舊產銅故名亦名銅陵唐天寶六載敕改峩峩其南半山有龍泉觀稍西有支院曰東林其下有小峯曰華子岡廟祀華子期山麓有紅泉皆託諸謝詩也

龍會山在臨川縣西三十里雙峯聳立上有曾真君壇

中有四穴如馬蹏出泉清冽人呼為馬蹏泉

樟源山在臨川縣西北三十里豐城驛道也石路峻險

元泰定閒豐城陸祥叔鑿平之

鳳桐山在臨川縣南百四都

明饒烈詩舊聞佳伊名春風始登泊不見鳳與桐危

峯如筆卓怪石聳峻嶒松筠蔭樓閣眾流遡迂紆羣山環磊落徘徊洞八荒盼睠空寥廓指點造化心朋儔共

商榷不愧謝謫才賦詩紀斯樂

筆架山在臨川縣北四十里三峯卓立如筆架與諸峯

連互環抱曰金雞城東鄉延橋諸水皆經其中有觀曰

永興白玉蟾修煉處

元道士黃石翁自麻仙至筆架道中作詩三步五步歌七日六口噴

豈不念我歸春色相送迎前宵社酒散行將近清明紅紫小零落嚶嚶鳥和鳴叢薄山巒花玩之有餘馨亦欲

寄所思歸詩已得征悠悠不可極惻惻難為情荒荒誰與語脈脈曳杖行

金山在臨川縣東北五十里極高銳其西二里曰白石

山又西北數里曰差峩嶺道通進賢又北三十里最高者曰蟬嶺

堯山在臨川縣西北六十里舊名兔水山相傳堯時居民避水處唐天寶閒改今名上有祠冕而垂衣裳者三士人曰堯舜禹也山與楮山接豐城縣界

櫟山在崇仁縣東北二十里多櫟樹縣東南三十里有僊華山

感應山在崇仁縣東五十五里有仙壇鄉民雩祭地也

東塔山在崇仁縣東南五里山麓有東塔仙壇縣西有

北塔山與南塔山對峙先孫觀詩山氣鴻濛衣自溼獨行曳杖穿雲入老翠陰森萬竹

蟠浮蒼巖騰千峯立遶迤幽尋到蕭寺拊掌笑掀百壑酒醒拂日照黃昏坐聽北窗風雨集

天寶山在崇仁縣東南三十里峭拔高聳爲境中偉觀

又十里曰沸湖山唐杜光庭煉丹之所宋紹興中山嶺
夜有光旦穴之得古陶器上有沸湖二字其下有龍潭
朝真山在崇仁縣南十五里相傳王郭二仙游此相近
爲玉華山又南爲浮邱石有巖三中有谿可舫勝蹟良
多宋尚書何異闢爲山莊理宗在東宮時御書衣庵二
字賜之

相山在崇仁縣南七十里舊名巴山又名臨川山有漢
豫章太守樂巴治妖於此邑人以其名名山唐天寶六
載改曰臨川山以其爲臨水所自出也宋紹興中縣令
孫懋避巴諱以巴嘗遷沛相改今名上有梅樂鄧葉四
真人祠下有相泉又縣西三十五里亦有相山
聖寶山在崇仁縣西南十六里上有仙祠祠旁有小石

如梧質圓瑩紅潤俗呼仙丹

芙蓉山在崇仁縣西南八十里秀麗如菡萏上有葛仙

翁祠旁有龍潭跨樂安縣界又二十五里爲寶唐山元何

中詩茗苗青芙蓉曉秀承寒玉危流千丈飛鏗鉤石相觸幽閣魚龍宮荒寒霧雨蓄淒神不可留前登散近曠參差雜花動香氣泛幽谷日照丹霞開萬峯洗晴綠

華蓋山在崇仁縣南一百十里一名寶蓋山律岑修廣

跨縣及宜黃樂安二縣境唐顏真卿於山得隋開皇五

年壞碑言晉王郭二仙白玉笥經麻姑軍峯西華等山

最後過此喜而留焉適浮邱公至元康二年壬子乘鸞

昇去上有三仙觀上昇壇旁有捨身崖定風石金雞巖

紫元洞及龍潭靈蹟甚多元吳澄嘗隱於此山麓有黃

茅岡元虞集嘗置精舍元何中詩三山自雲合乘我空

脩然臥高寒未曉天雞鳴下臨人世秋縱覽鶴馭輕
翩半崖端梢梢千邨日餘雲垂翠壑龍鳳紛送迎然
各散去放作世間猶夫有高山步所冀還丹成聖人似
長空翔翮羅已相驚夫有高山步所冀還丹成聖人似
舞巢許猶逃名禮華與樂葉隨秋樹尊師詩野性慕
欲息難為情崔嵬取爵斯宿華蓋山贈趙尊師詩野性慕
游賜高秋得崔嵬取爵斯宿華蓋山贈趙尊師詩野性慕
影翠虛鸞嘯哀千峯忽在下白鶴去遲徊紫霧出華蓋
銀河通絳臺中天白榆溼半夜扶桑開昔日浮邱子鍊
魄此丹崖一朝凌太清亂石空蒼苔王孫何飄飄詠
遺煙埃相別入九年喜我淩風來延我白石室酌我松
花杯負米過歸計高人難久陪我有大塊枕相見東蓬
萊虞集奉祠華蓋詩三峯宮殿接新橋十月長齋陟
翠堯朝步仍垂蒼玉佩登歌還引紫霞簫一枝絳蠟連
虹貫五色香雲向日飄賴有高人陪後乘輕清詩句似
參寥許謙詩羣山如斗形華蓋氣獨壯奮身地勢高
目極天宇曠周回萬象澄一一來獻狀中江漾孤嶼源
海橫疊嶂樓臺市中居基列相背向烈風攪蒼林落日
鳴白浪蜃氣薄浮雲溟濛漠杳東望長濤浸寒水短樹起
漁唱同游豈特達竟爾忘得喪山下出蒙泉夷坐待清
漲一掬襟懷空自謂羲皇上明董裕登華蓋峯詩萬
丈丹梯傍斗墟從來仙子好樓居登臺似對浮邱奔入
洞猶懸晉代書虎嘯林風生壑暝鶴歸海月
映窗虛更依南斗瞻宸極縹緲紅雲護禁廬

崇仁山在崇仁縣西五十五里跨南昌吉安撫州三郡之境舊名羅山晉羅文通學道於此唐改今名高十五里絕頂有石仙祠山半有田數頃泉注爲池冬夏不涸崇邑之鎮山也

法水山在崇仁縣東五十里博陂水所經

招仙山在崇仁縣東南三十五里幽巖曲澗稱爲仙窟靈興山在崇仁縣西南五里突兀中起有頓挫發舒之勢又縣東南三十里亦有靈興山

龍巖山在崇仁縣西二十里有巨石下覆如字高曠可容數百人

馬鞍山在崇仁縣東北四十里相近有城嶺相傳初議建縣於此以土薄而止

仙游山在崇仁縣東二里危素嘗作思賢亭於上謂吳

澄也後改祠吳與弼宋孫觀詩簷牙啄林杪華殿浮青

已著花濯濯秋雨中領姿出秀面一洗丹粉空幽香襲

金袂冷豔樓房攏迫此芳歲殘一笑當誰供塵仙立通

明矯矯驂鸞龍相隨歸園苑遺恨寄西風

銀山在金谿縣東二里唐時嘗出銀礦故名一名寶山

其西里許有白面隄蓋南唐時鑿山採銀之所

翠雲山在金谿縣南四里岡巒環合旁有瀑布懸流谷

口又有月石桂花巖諸勝

英巨山在金谿縣西六十里一名東巖嶺巖內有石人

坐盤石上體塵穢則與風潤則致雨晴則徧體鮮潔如

玉瑩淨

月塘山在金谿縣西北六十里宋王安石祖衛尉墓在

焉

仙山在金谿縣南五里與上幕諸峯相連

靈秀山在金谿縣西南四里

應真山在金谿縣東北十五里舊名洪道窠相傳明邑人黃希古遇仙於此改今名又縣南四十里亦有應真山一名郭仙峯

官山在金谿縣南三十五里爲縣南第一峯其上四峯如削下瞰清江望之如屏障

金窟山在金谿縣東五里連接銀山中有石竇卽前代採金之所今廢有仙人麻鞋迹

雲林山在金谿縣東四十五里峯嶺數百仞界撫州廣信建昌三郡爲金谿巨鎮勢極峭峻上接雲際故名有

峯三十六最高者爲出雲峯宋建炎中忠義社鄧傳二姓團兵於此旁有白馬峯一名玉馬勢如天馬行空崖山在金谿縣東七十里又名大山南連雲林東接貴溪之琵琶峯有龍鬚井三老峯湯家洞諸景

銅斗山在金谿縣西南二十五里崖壁高峻與芙蓉山對峙又十五里曰鳴山其巔有井隨江水清濁號通江井

狀頭山在金谿縣東四十里與雲霧山相連宋徐柏軒爲教授嘗登眺曰居此山者必出狀頭因留其子孫於此

疏山在金谿縣西北五十里左峯曰桴鼓右曰舉旗相傳梁周迪起兵處唐大中時何仙舟隱居讀書於此因

號書山南唐改今名

宋陸九淵疏山道中詩卹靜蛙聲幽林芳鳥語警山巒紛皓葩隴麥

搖青穎離恨付西江歸心薄東嶺忽忘飢歎憂翻令發深省

石門山在金谿縣西南四十里盱水與清江水合流環其四面山屹立中流

雲霧山在金谿縣西五十里最靈秀一興雲霧則雨立至

天堂山在金谿縣西南五十里周十里與鳴山對峙上有劒井大旱不竭

張社山在金谿縣東北六十里接安仁縣界相傳漢張道陵嘗修道於此

仁榮山在金谿縣北三里有石鐘觀拳石扣之音如鐘嶽嶺山在宜黃縣城內南隅

赤松山在宜黃縣西南十里舊名花嶺有穗珠泉小簾泉宋鄒極隱此自號赤松子後遂改今名

臺山在宜黃縣東二十里釋道全游五臺歸結庵於此雲華山在宜黃縣南十里亦名西華又南五里爲玉華山舊有仙壇曰石麓三面壁立惟南通一徑上有田有泉昔人以爲寨又南五里爲石砦山有石梁突起數十丈橫空跨於兩巖夏涼冬溫旁有神運倉滴珠巖谿旁有義泉寺元艾申石砦山詩突兀倚蒼穹誰云巧妙工滴油巖已絕神運廩常空人入嵌空裏春歸杖履中一翁何處在孫塔凜高風

黃山在宜黃縣南四十里有龍潭雷公嶺其山四面皆黃茅下有游溪亭磨盤石又十里爲黃源山以黃水所經而名又南爲西華山又十里曰雙源山中有溫泉二

派

鳳臺山在宜黃縣城北隅一峯突起縣治負焉爲縣勝境舊名雞籠山一名鳳臺山今縣城亦名鳳皇坡以山名也下有獅子石

曹山在宜黃縣北三十里舊名荷玉山其巔曰羅漢峯昔本寂禪師因禮曹谿六祖回遂易今名山前有迴龍亭下有三潮泉白眉禪師結庵山中其水一日三潮云宋孫觀詩石棧梯空一綫橫路窮臺殿兩崢嶸日光淡淡鳥飛沒雲氣漠漠龍隨行道入西歸餘隻屐結茅宴坐千巖底草根漚漚暗泉鳴樹外騰騰青嶂起翠簍冉冉蒼雲屯老藤蔽日白晝昏天低尺五雷雨上身強丈二佛祖尊垂老栖栖厭行旅逢人欲問生前語不見高僧杖錫飛山下空留千斛乳

東華山在宜黃縣東六十里與西華南華雲華雲蓋諸

山爲縣之望山

卓望山在宜黃縣東三里高二百丈周十里

女王城山在宜黃縣東南二十里諸峯連抱如城今訛

為汝陽山又十里為南華山

北華山在宜黃縣南三里一名禾廩石又南七里為雲

華山亦名天馬山

雲蓋山在宜黃縣東北五十里其嶺高聳嘗有雲氣盤

繞故名

象眠山在樂安縣解東突起闕闔中形如眠象上有山

月堂宋唐元齡詩作縣苦無俄頃開喜逢佳節一開顏
無人送酒來彭澤有客登臨嗣魯山慨想鶴汀燒

渚外盤桓龍水象峯閒賞心未
盡天將晚賸插黃花帶月還

鼇頭山在樂安縣南鼇谿上一名鼇谿山亦名武家嶺

山半出泉清冽而甘元劉詵鼇谿山行和彭琦初詩照
袂晴江淺淺迎風青鬢疏簾看山

拄杖欲倦得句畫沙共書
巖上石仙流雨灘頭春壑生雷回首鹿門總角鬚頰如戟重來

仕山在樂安縣西與城中象眠山對峙

青錢山在樂安縣西里許下枕龍岡勢如疊錢故名邑人何沂中作亭其上

載興山在樂安縣東十里相近有甌蓋山皆有水入鰲谿

承華山在樂安縣南十里又南十里爲中華山山腰有坪曰禪和坪

南曹山在樂安縣南一百里遠谿水經此相近有大龍山上有龍池

萬靈山在樂安縣北二里爲縣城來脈又西華山在縣北十里有水南入鰲谿

鹿角山在樂安縣南七十里亦稱鹿角峯高聳並峙如鹿角

石橋山在樂安縣南四十里有石巖穹窿望之如梁其下空曠軒豁寺前有小石如牛鼻遇風動轉如輪

上硤山在樂安縣東北十五里其石圓而色白故名

金華山在樂安縣北四十里形如覆瓢昔王郭二仙登此謂絕似婺州金華但無白石爲羊耳其下有金雞石大盤山在樂安縣西北七十五里十二峯環列如盤延袤二十里寶唐之源出焉跨新淦永豐二縣境

豐材山在樂安縣北八十里舊名麻山唐天寶中改今名其北嶺接豐城縣界登之望廬阜彭蠡皆在其下又北曰杯山跨豐城新淦二縣境上有張柬之祠旁有金

牛塘

桂山在東鄉縣南距長林二里許

長林山在東鄉縣南三里一名庾嶺

宋陽萬里宿長林詩霽月襟人白風

鐘老客青倦多資美睡酒薄免遲醒明吳與彌宿長林詩歇驕來磐石支頤面好峯道旁秋水淨嶺背夕陽

陳理山在東鄉縣相傳漢豫章太守陳蕃行部至此理

獄訟故名又舉軍山亦在東鄉縣

謹案二山謝志云屬東鄉縣不知其地縣

志亦未詳所在存以俟考

石筍山在東鄉縣南三里許山巔有石如筍特起

七寶山在東鄉縣東七里相傳舊產銀鉛故名又東數

里爲積煙山半山有龍池瀑布卽宋陳卒與元兵戰敗

自勿處其陽隸安仁縣

槲山在東鄉縣西北接進賢縣界

橫山在東鄉縣十都雄視諸峯宋俞廷椿廷華世居其
下御屏山在二十五都方聳若御屏明吳伯宗家其下
五峯在府城外曰青雲曰逍遙在內曰桐林一名蕭家
嶺又名古城嶺曰香相先時山多柑木故名東峯舊爲
卸鹽之場爲鹽步嶺曰天慶宋有天慶觀故名初青雲
逍遙二峯俱在城內明改城始在外雲峯詩挂笏看朝
國朝李來泰青
夾南山第一峯三眠荒堞柳五疊廢臺松古燒
煙猶瀾遙原影自重相看殊未厭空翠正春容

仙桂峯在臨川縣西北三十里後有雷壇嶸相傳浮邱
仙禱雨以桂枝插石罅中有觀曰會仙人多祈夢聞桂
香者則吉明崇禎末樹忽朽未幾西巖復生一株

梅仙峯在崇仁縣西南六十餘里一稱梅山又名梅峯

山相傳漢梅福嘗寓此

馬旗峯在崇仁縣北二十五里峭拔如卓旗然

望仙峯在崇仁縣西北

元何中雪中度崇仁望仙峯詩

盤盤愈行愈深愈幽邃疑有仙者棲神丹樛木怪藤鳥鳴答綠潭青壁龍嬉蟠裝回賞愛不能已步步駐目搖荒寒寒雲平凝帶帷妥急霰亂下珠璣完忽而雨崖蒼蒼散花雪板橋石路浮雲乾交迎密撲迷欲眩怯下疑高行自難憑澗茅房所居雅叩門煙火相依安淹停夜氣造甯極嬰冒曉凍迫殊觀忍弱墮總縱健踏喜聆環佩藏鳴湍垂裝不動偃杉竹懸柱偶脫爭巖巒前源未窮取危磴直上百折陵嶺帆新爪痕痕過飢虎高翰葉葉遊飛鸞俄然獨立倚霄漢波濤翻海鎔銀寬雙瞳四徹洞萬境肯與塵界循憂端寒余看雪知幾處何如此望仙峯上看仙之人兮來不來浩浩元氣與我同朝餐

卓筆峯在金谿縣南二里形如卓筆下有池曰硯池梅

峯在縣西南二十里有峯數十如簇筍相傳劉仙嘗吹

鐵笛呼雨其上

百歲峯在金谿縣西北三十里與崇嶺相連下有廟土人以祀周迪明珠峯在縣北四十里山無雜樹圓若珠綴其陰隸東鄉縣相近有釋褐峯以劉堯夫得名又縣東五十里有名揚峯亦稱鳴陽峯又名金籠峯九峯在宜黃縣東四十餘里

雪華峯在樂安縣南四十里荷樹嶺上高十里下有三百八十四坵又南二十里爲仙女峯相傳王郭二仙飛昇時有侍女執旛其上

文筆峯在樂安縣南八十里尖秀筆卓與芙蓉華蓋爭勝

螺首峯在東鄉縣東南十里山首尖圓如螺山北有螺首寺又縣北二十里雄嵐峯有靈泉可愈疾

桃花峯在東鄉縣南十里普安橋水所經

白雲峯在東鄉縣南四十里南接金谿縣界

帝聖峯在東鄉縣東北十五里其北卽餘干縣界山極高峻登之北瞰鄱湖南覽龍虎山又鶴堂峯在縣東北圭峯在東鄉縣二十五都相傳宋亡謝枋得立祠其下祀故宋先帝今猶名萬壽祠

萬歲嶺在臨川縣西四十里相傳宋隆祐太后經過指問此山輿人以萬歲嶺對因得名焉

石獅嶺在臨川縣南八十里孤石雄峙如獅子形嶺路西通宜黃縣東接金谿縣明成化間里人袁大用贅以石並創亭以休行旅

佛蹟嶺在臨川縣東二十里中有飛來佛有二井深廣

不盈尺冬夏清瑩不竭

大和嶺在臨川縣北五十里又北十里曰小門嶺與金山相近有王郭二仙祠

孤嶺在崇仁縣東南六十里東隸宜黃縣

障嶺在崇仁縣西三十餘里嶺石嶙峋綿延里許若展屏障又十里曰高富嶂上有虎巖嶂外爲五虎圍旁去五里曰清涼山

紅旗嶺在崇仁縣東南四十五里嶺有三疊如旗

上幕嶺在金谿縣東南五里未縣時設鎮於此崇嶺在

縣北

一作西

二十里層巖疊嶂時有紫氣望之鬱蔥又西

北十里爲白豨嶺一峯秀拔

塗嶺在金谿縣西南五十里高百仞周二十里

黃土嶺在宜黃縣南九十五里其陽隸甯都州其陰黃水出焉

霍嶺在宜黃縣西四十里

西嶺在樂安縣西南三十里與北嶺夾峙鼃水厯其間黃司空嶺在樂安縣西十里相傳爲黃法氈故居

大嶺在樂安縣北二十里驛路所經地勢險峻盤迴而上

寶嶺在樂安縣南八十里相傳里中楊氏得怪石濯於谿瑩徹有人像遂寶之又南四十里一作五里爲大樹嶺其南隸永豐縣界

吳嶺在東鄉縣東南相傳漢時吳芮嘗禦敵於此因名上有洗馬池

會仙嶺在東鄉縣西南相近有龍角峯

巖仙嶺在東鄉縣西南四十里下有烏石塘又冶塘嶺在縣西北三十里接進賢縣界

王仙嶺在東鄉縣東北連互數里爲縣之障

花尖嶺在東鄉縣南七都兩峯大小相對曰大花尖小花尖相近有金峯嶺視諸峯尤高大上有三仙祠民祀之以禦蝗蝻下有虎巖泉又南有船嶺其形如船

黃茅岡在崇仁縣華蓋山下元虞集置邵庵精舍

柏岡在金谿縣西北三十里又西二十五里爲柘岡上多辛夷有王安石讀書堂

龍頭岡在樂安縣西爲邑城關障

烏岡在東鄉縣西南與大富岡對峙三港水流其間

黃華姑巖在崇仁縣東三十里其巖三級有泉甘冽南
壁有斧劈痕下建棲真觀龜鳳巖在縣南三十里一作二十
里兩旁石勢如龜鳳中通一徑攀援可上險絕處有石
室如斗

龍角巖在金谿縣東北永和鄉山巔有石對峙如龍角
然一徑深入石室曠爽可坐百人相傳劉賢良讀書於
此

僊巖在宜黃縣北五里昔王郭二仙嘗問道寓此有朝
真石拂霓洞遺蹟

石巖在樂安縣東南三十里其巖可容數百人有泉不
涸

雲泉巖在樂安縣南五十里高數百丈周二十里其頂

有浮邱壇石會仙峯又燕子巖在縣南六十里石穴廣
深三五丈燕巢其中以萬數

石陂巖在樂安縣西三十里巖出水春夏瀰漫不辨涯
涘秋冬水落石門呀然其水入寶塘水

滴油巖在樂安縣西三十里石橋寺側或云昔出油今
出五色水

紫元洞在崇仁縣南華蓋山相傳浮邱王郭三仙隱此
中有石屏石座石棋局

浮雲洞在崇仁縣南十五里深不可入相傳田家黃氏
子夜寐驚魘見偉丈夫自稱回巖客令語世人曰此浮
雲洞也故名又南三十五里有燕洞巖上有二佛迹泉
流石罅中其石白如鐘乳

羅漢洞在金谿縣南四里翠雲山

白水洞在樂安縣南六十里下有龍湫多怪石

桃源洞在樂安縣南十里元夏友蘭結廬種桃其中

錦繡谷在金谿縣城中四山青靄萬瓦鱗差景物風華相錯如繡明王文安英世居其下

白馬峽在臨川縣東南八十里上流受八十一源水並

山峽閒兩山拱合中闢如門亦名石門峽石壁嵒岈谿

流洶湧南五里曰良安峽亦名梁安盱水所經

明楊重熙良安

峽詩壁立雙崔嵬巨靈何日開氣爲王國壯水向帝城來舟入似無鱗濤生欲噴雷瞿塘徒擁蜀高詠少陵才

玉石臺在臨川縣西十五里俗稱獅子石北崖有石岡

勢奮躍而南嚮曰金石臺上有宋林夢英書屋今廢臺

右五峯駢聳而東漸出濱江俗稱五虎其末峯最小者

斷入江中而踞曰石臺俗稱豹石川合水壯則浸其凹而峯若鼉浮鼉湧昔人以其關鍵風氣擬之鄱湖兩孤云宋陸游金山詩開歲爲休暇官司亦暫閑樓臺先畫永花柳尙春慳鳴鳥隨游轡和風愜醉顏更憐歸路好破墨數峯山明徐良傳游金山詩數月匡廬興未愜偶逢佳處又躋攀路穿煙霧叢中去人到蓬壺頂上還石勢南開羊角洞谿聲北走虎頭關江山清淑元無恙自昔高賢指顧閒

石廩在臨川縣東三十九里狀似倉廩可容千斛相傳廩口開則歲歉閉則歲豐

石龍在臨川縣西南二十四里巖高一丈五尺周六百五十步石有鱗甲狀因號石龍又西南十五里有石鼓石屋在樂安縣北四十里三谿渡側突起一峯其中空明

蝦蟆石在臨川縣東南二十里石頭渡東岸

鯉石在崇仁縣南十五里相傳琴高先生於此修煉所
乘之鯉化而爲石又縣西南四十里有虎蹟石相傳王
郭二仙嘗跨虎憩其上

月石在金谿縣東四里翠雲院側巖竇天成宛如圓月
又樂安縣天授鄉亦有月石

榜石在樂安縣南五十里相傳石光明則有人登科甲
以上並據
府縣志

江西通志卷五十二